



Broj: 12/08-27-16143-1/18
Zenica, 30.11.2018. godine

Na osnovu člana 69. stav (3) Zakona o javnim nabavkama ("Službeni glasnik BiH" broj:39/14), u otvorenom postupku javne nabavke radova broj: 1417-1-3-22-3-32/18 od 26.10.2018.godine, direktor Kantonalne direkcije za ceste Zeničko-dobojskog kantona, donosi:

ODLUKU

o otkazivanju postupka javne nabavke

I

Otkazuje se otvoreni postupak javne nabavke broj: 1417-1-3-22-3-32/18 od 26.10.2018.godine, a koji se odnosi na radove: „Rekonstrukcija lokalne ceste Zenica-Babino-Arnauti, dionica II”.

II

Otvoreni postupak javne nabavke se otkazuje u skladu sa članom 69. stav (3) Zakona o javnim nabavkama BiH, odnosno zbog razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke.

III

Odluka će se u skladu sa članom 70. stav (6) Zakona o javnim nabavkama BiH objaviti na službenoj stranici ugovornog organa www.zdk.ba i stupa na snagu danom donošenja.

Obrazloženje

Kantonalna direkcija za ceste koja se nalazi u sastavu Ministarstva za prostorno uređenje, promet i komunikacije i zaštitu okoline Zeničko-dobojskog kantona je Odlukom broj: 12/08-27-16143/18 od 26.10.2018. godine a u skladu sa članom 25. Zakona o javnim nabavkama BiH („Službeni glasnik BiH“ broj: 39/14) pokrenula otvoreni postupak nabavke radova: „Rekonstrukcija lokalne ceste Zenica-Babino-Arnauti, dionica II”.

Dana 26.10.2018. godine na Portalu javnih nabavki objavljeno je Obavještenje o nabavci broj: 1417-1-3-22-3-32/18. Kako je otvaranje ponuda predviđeno za 13.12.2018. godine. Obavještenjem o nabavci predviđeno je korištenje e-aukcije.

Ugovorni organ uz poštivanje rokova određenih Zakonom o javnim nabavkama BiH („Službeni glasnik BiH“ 39/14) i Pravilnikom o uslovima i načinu korištenja „E-aukcije“ („Službeni glasnik BiH“, broj: 66/16), do kraja budžetske godine, odnosno do 31.12.2018. godine, neće biti u mogućnosti zaključiti ugovor i okončati postupak javne nabavke.

Zbog toga što se postupak javne nabavke ne može okončati do kraja tekuće budžetske godine a predmetna nabavka nije planirana u budžetskom zahtjevu za 2019. godinu ugovorni organ smatra da postoje dokazivi razlozi izvan kontrole ugovornog organa a koji se nisu mogli predvidjeti u vrijeme pokretanja postupka javne nabavke, te su se stekli zakonski uslovi za otkazivanje postupka javne nabavke.

Zbog svega naprijed navedenog odlučeno je kao u dispozitivu.

Pouka o pravnom lijeku:

Protiv ove Odluke može se izjaviti žalba Kantonalnoj direkciji za ceste Zeničko-dobojskog kantona u roku od 10 (deset) dana od dana prijema ove Odluke, na način propisan članom 99. Zakona o javnim nabavkama BiH („Službeni glasnik BiH“ 39/14).

Dostavljeno:

1 x a/a,

